

七俱胝佛母心大准提
陀羅尼真言持誦儀軌

（繁體校對本）


說 明

本繁體校對版《七俱胝佛母心大准提陀羅尼真言持誦儀軌》，
根據《卍新續藏》第 59 冊 No. 1077《准提淨業》整理注音。

本電子書是免費結緣品，特此說明。

仁慧草堂

二〇二一年八月



扫码关注仁慧草堂微信公众号



南無本師釋迦牟尼佛

七俱胝佛母心大准提陀羅 尼真言持誦儀軌

一、准提讚

(一徧)

准提功德聚 寂靜心常誦
一切諸大難 無能侵是人
天上及人間 受福如佛等
遇此如意珠 定獲無等等

二、稱聖號

南無七俱胝佛母大聖准提王菩薩 (合掌三稱)

三、淨法界真言

(二十一遍)

唵. 嚩。

此淨法界嚩字，若想若誦，能令三業清淨，一切罪障悉皆消除。又能成辦一切勝事，隨所住處悉得清淨。衣服不淨，便成淨衣。身不澡浴，便當澡浴。若用水洗淨，不名真淨。若用此法界心嚩字淨之，即名畢竟清淨瓶。如靈丹一粒點鐵成金，真言一字

變染令淨。

四、護身真言

(二十一遍)

唵。齒_合臨_二。

此呪能滅五逆十惡一切罪業，能除一切種種病苦、災障、惡夢、邪魅、鬼神諸不祥事，而能成辦一切勝事，令一切所願皆得圓滿。此呪是諸佛心，若人專誦一遍，能守護自身，一切鬼神天魔不敢侵近；誦兩遍，能守護同伴；誦三遍，能守護一宅中人；誦四遍，能守護一城中人；乃至七遍，能守護四天下人。

五、六字大明真言

(一百八遍)

唵。麼拏鉢訥_合銘_二吽

若誦此呪，隨所住處，有無量諸佛菩薩天龍八部集會，又具無量三昧法門。誦持之人，七代種族皆得解脫，腹中諸蟲當得菩薩之位，是人日日得具六波羅蜜圓滿功德，得無量辨才清淨智聚。口中所出之氣，觸他人身；蒙所觸者，離諸嗔毒，當得菩薩之位。假若四天下人皆得七地菩薩之位，彼諸菩薩所有功德，與誦六字呪一遍功德等無有異。此呪是觀世音菩薩微妙本心，若人書寫此六字大明，則同書寫八萬四千法藏所獲功德等無有異。若以金寶造如來像數如微塵，不如書寫此六字中一字功德。若人得此六字

大明，是人貪、嗔、癡不能染著。若戴持此呪在身者，亦不染著貪、嗔、癡病。此戴持人，身手所觸，眼目所覩，一切有情速得菩薩之位，永不復受生、老、病、死等苦。又此六字大明與准提真言，次第相須。

六、七俱胝佛母心大准提陀羅尼真言

啟請，念一遍。

稽首皈依蘇悉帝 頭面頂禮七俱胝
我今稱讚大准提 惟願慈悲垂加護

七俱胝佛母心大准提陀羅尼真言，念一百八遍。

南無颯哆喃。三藐三菩陀。俱胝南。怛姪他。
唵。折戾。主戾。准提。莎婆訶。唵。部林^二_合¹。

佛言：此呪能滅十惡五逆一切罪障，成就一切白法功德。持此呪者，不問在家出家、飲酒食肉、有妻子，不揀淨穢，但志心持誦，能使短命眾生增壽無量。迦摩羅疾尚得除差，何況餘病？若不消滅，無有是處。若誦滿四十九日，准提菩薩令二聖者常隨其人，所有善惡心之所念，皆於耳邊一一具報。若有無福無相、求官不遂、貧苦所逼者，常誦此呪，能令現世得輪王福，所求官位必得稱遂（禪宗傳燈錄中引古人云：「俱胝只念三行呪。便得名超一切人」是也）。若求智慧，得大智慧；求男女者，便得男女；

¹ 此为大轮一字咒，与准提咒一处同诵持，能助准提真言疾得成就。

凡有所求，無不稱遂，似如意珠，一切隨心。又誦此呪，能令國王、大臣及諸四眾生愛敬心，見即歡喜。誦此呪人，水不能溺，火不能燒，毒藥怨家、軍陣強賊及惡龍獸、諸鬼魅等皆不能害。若欲請梵王、帝釋、四天王、閻羅天子等，但誦此呪，隨請必至，不敢前次。所有驅使，隨心皆得。此呪於南贍部洲有大勢力，移須彌山，竭大海水，呪乾枯木能生花果。何況更能依法持誦，不轉肉身，得大神足，往兜率天？若求長生及諸仙藥，但依法誦呪，即得見觀世音菩薩或金剛手菩薩授與神仙妙藥，隨取食之，即成仙道，得延壽命，齊於日月，證菩薩位。若依法誦滿一百萬遍，便得往詣十方淨土，歷事諸佛，普聞妙法，得證菩提。

大輪一字呪，即「部林_{ㄅㄨˊ ㄌㄧㄣˊ}」是也，亦名末法中一字心呪。此呪於末法時法欲滅時，有大勢力，能於世間作大利益。能護如來一切法藏，能降伏一切八部之眾，能摧世間一切惡呪。是一切諸佛之頂，是文殊菩薩之心。能施一切眾生無畏，能與一切眾生快樂。凡有修持，隨意得果，同如意珠，能滿一切之願。若誦此呪，於四方面五百驛內，諸惡鬼神皆自馳散，諸惡星曜及諸天魔不敢侵近。若持誦餘一切真言恐不成就，即用此呪共餘真言一處同誦持之，決定成就。若不成就及無現驗，其呪神等即當頭破七分。是知此呪能助一切真言疾得成就。（或別持此呪亦得）

上來次第持誦至准提呪，若不能結得准提印者，但以左手作金剛拳印，右手持珠誦之。或不能從前淨法界真言等次第持誦者，只持准提神呪。更或根鈍不能具受此准提者，只唵字已下持之。

唵字已上是歸敬詞，唵字等是正呪也。每持誦了，却用右手，作金剛拳印，口誦吽字真言而印五處。先印額上，次印左右肩，次印心上，從印喉上印竟，頂上散之，能除一切魔障，成就一切勝事。

七、補闕真言

（十遍）

唵. 呼嚧呼嚧. 社曳穆契. 莎訶。

此圓滿補闕真言，以補諸呪之闕失而獲圓滿之全功也。凡持諸真言者，如有手印不次第存想，不專注誦持，有斷續等過，一念此呪，皆有功無罪。

八、拜願

（以下各三稱三拜）

南無七俱胝佛母大聖准提王菩薩

南無准提會上諸佛諸菩薩

南無准提會上護法護呪一切聖眾

九、發願文

(一徧)

我今持誦大准提	即發菩提廣大願
願我定慧速圓明	願我功德皆成就
願我勝福徧莊嚴	願共眾生成佛道
我昔所造諸惡業	皆由無始貪嗔癡
從身語意之所生	一切我今皆懺悔
願我臨欲命終時	盡除一切諸障礙
面見彼佛阿彌陀	即得往生安樂刹

十、迴向偈

(一徧)

願以此功德	莊嚴佛淨土
上報四重恩	下濟三途苦
若有見聞者	悉發菩提心
盡此一報身	同生極樂國

十方三世一切佛．一切菩薩摩訶薩．摩訶般若波羅蜜。

如欲成就世法及諸善事。隨意稱之。

若能如法誦呪，即有一切善神、龍王、金剛密跡常隨衛護，不離其側，如護眼睛，如護己命。設有眾生，於散亂心口持神呪

（即散持：不結印，不記數，不觀想，不對佛對鏡，所謂口誦便是），常有無量金剛藏王菩薩種族眷屬，晝夜常隨侍衛。此人縱令魔王求其方便，終不可得。諸小鬼神去此善人十由旬外。若魔眷屬欲來侵擾是善人者，諸金剛眾以寶杵碎其首，猶如微塵。恒令此人所作如願（心未開悟，自有散亂處。即散亂持呪，尚有如是功用也，況不散亂者乎？）。若亡人廣造惡業死墮三塗，真言行者即稱亡人名字，專心誦呪，亡者應時得離惡趣生於天上（若亡人未造惡業者，其得呪力生天更無疑也。凡仁孝慈悲之士更當留意於此）。依餘門成佛，如乘羊馬行千里程經久方到。依陀羅尼門成佛，如乘神通行千里程，舉意便到。所至處雖無異，所乘法有遲疾也。持誦呪者一切所求皆得果遂。惟除於呪生疑（不深信者，其持呪必無驗，勿訝呪之罔功也）。

七俱胝佛母心大准提陀羅尼真言持誦儀軌（終）



此咒置经书中可灭误跨之罪



仁·慧·草·堂
www.renhuicaotang.com

